



**C O M U N E D E P À D R I A**  
(Provìntzia de Tàtari)

Pratza de su Comune – Pàdria – Tel. 079/807018 – Fax 079/807323  
–E Mail :protocollo@pec.comune.padria.ss.it

**AVISU PÙBLICU**

**“REDITU DE INCLUSIONE SOTZIALE” - FUNDU REGIONALE "AGIUDU TORRAU "-  
ABERTURA TÈRMINES PRESENTATZIONE RECHESTAS NOAS – ANNU2022**

**SA RESPONSÀBILE DE SU SERVÌTZIU**

**In esecutzione:**

- De sa Lege Regionale n. 18 de su 2 de austu de su 2016 chi tratat "*Rèditu de inclusione sotziale – Fundu regionale pro su rèditu de inclusione sotziale "Agiudu torrau"*, comente misura de cuntrastu a sa pobertade e a s'esclusione sotziale;
- De sa Deliberatzione de sa Giunta Regionale n. 23/26 de su 22.06.2021 aprovada a manera definitiva cun Deliberatzione de sa Giunta Regionale n. 34/25 de su 11.08.2021, cun sa cale sa Regione at aprovadu sas Lìneas guida pro sos tres annos 2021-2023 chi pertocant sas modalidades de atuatzione de su "Rèditu de inclusione sotziale" de su cale a sa L.R. n. 18/2016 e Mesuras pro interbentos de cuntrastu a sa pandemia Covid-19;
- De sa determinatzione n.339 de su 03/09/2021 cun sas cales sunt istadas acollidas sas diretivas regionales mentovadas in subra, inghitzada sa protzedura pro s'individuatzione de sos beneficiàrios de su REIS pro s'annualidade 2021 e aprovados su bandu pùblicu e s'ìschema de dimanda;

**FAGHET ISCHIRE**

chi dae su 18/08/2022 si podent presentare sas dimandas de ammissione a su Rèditu de Inclusione Sotziale (REIS) – annualidade 2022. Sas dimandas ant a pòdere èssere presentadas solu cun sos mòdulos allegados a custa comunicatzione.

Sas modalidades e sos tèrmines pro sa presentatzione si podent abbaidare in s'Avisu Pùblicu allegadu.

**TÈRMINES DE ISCADÈNTZIA**  
**A SAS 13:00 DE SU 30 DE CABUDANNI DE SU 2022**

Sos tzitadinos chi cherechta de ammissione, ant a dèvere impitare su Modellu de dimanda allegadu. Sa dimanda de partetzipatzione a su REIS at a pòdere èssere presentada intro e no a fora de su 30/09/2022 cun una de sas modalidades chi sighint:

Pro mèdiu de posta eletrònica tzertificada (PEC) a s'indiritzu: [protocollo@pec.comune.padria.ss.it](mailto:protocollo@pec.comune.padria.ss.it) o puru dada a manu in s'Ufìtziu Protocollu de sa sede Comunale in sos oràrios de abertura a su pùblicu.

A sa dimanda cumpilada comente si devet e sutascrita at a dèvere èssere allegada a manera obligatòria sa documentatzione chi sighint:

1. Atestatzione de su modellu ISEE (ordinàriu o currente) in cursu de valididade;
2. Còpia de su documentu de reconnoschimentu e de su còdighe fiscale de su rechedente in cursu de valididade;
3. Pro sos tzitadinos istràngios extracomunitàrios: còpia de su tìtulu de soggiorno;
4. Tzertificatzione chi cumproat su refudu a su reconnoschimentu de su Rèditu de tzitadinàntzia o Rèditu de Emergèntzia o si nono sa tzertificatzione chi atestat sa presentatzione de sa dimanda de su Rèditu de Tzitadinàntzia o Rèditu de Emergèntzia pro sa cale s'est isetende una resposta.

Totu sos rechisidos s'ant a dèvere àere a sa data de iscadèntzia de custu avisu.

Motivos de esclusione:

- Rechesta non completa;
- Ritardu in sa presentatzione de un'integratzione dàbile a sa rechesta;
- Atzertamentu subra de sa farta de sos rechisidos.

S'Ufìtziu Servìtzios Sotziales at a protzèdere cun s'istrutòria de sas dimandas arrivadas averiguende chi siant completas e regulares, at a dare prioridade cunforma a sas dispositziones de custu avisu e at a ammaniare sa graduatòria cunforma a s'ordine de sas prioridades de atzessu chi at su rechedente.

Su respetu de sas prioridades indicadas in sas Lìneas Ghiadoras regionales costituit su critèriu ùnicu de aplicare in sa selezione de sas dimandas.

Sa graduatòria at a èssere aprovada cun Determinatzione de su Responsàbile de s'Àrea Sotziale e at a èssere publicada in forma riservada a s'Albu pretòriu de s'Ente e subra de sa setzione novas de su giassu istituzionale de su Comune.

Custa publicatzione at a bàllere dae onni puntu de annotu comente notifica.

Su Comune faghet a manera dereta cun protzeduras pròpias s'erogatzione de cussas resursas a sos destinatàrios de su REIS; sa graduatòria, pro amparare sos datos personales e sensibiles de sos tzitadinos interessados, at a èssere publicada torrende a giùghere nùmeru, data de su protocolu e èsitu de sa matessi, si racumandat duncas a sos rechedentes de registrare custos datos in su momentu de sa presentatzione.